

QVÆSTIO MEDICA

QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS V. FEBRVARII.

M. IACOBO GAVOIS, Doctore Medico, Præsidente.

An χλωσις prævia fermentatione perficiatur?

SVMVM supremumque Naturæ munus nutritio est, cujus gratiâ multiplici instrumentorum varietate animalium corpus instruitur, vtalimentum, quod alienum est, per varios mutationum gradus deueniat ad illam perfectionem, quâ corporeæ substantiæ exactè assimilari queat. Primum quidem in ore manditur & teritur cibibus inibi quæ saluæ permixtionis, orisque calore, vim nonnullam patitur ac mutationem; majorem tamen in hepate, summam & vltimam in singulis partibus; in signem verò supra cæteras in ventriculo conuersionem subit. Mirum siquidem videri potest, vel prædura cibaria interdum in ventriculum demissa, non longo temporis intervallo tota frangi atque comminui; arida cum humidis fusa liquataque exquisitè misceri, positaque omni qualitaturn exuperantiâ in dulcem & æquabilem substantiam facessere, quæ speciem referat lactei cremoris. Fusionem illam siccorum alimentorum, omniumque permixtionem, aiunt, non esse natui caloris opus, siue illi superioris originis, siue elementaris, animæque imperio subiaceat: sed efficacioris alterius virtutis. Pisces etenim quibus minutus calor est, solidos deuorant atque perficiunt cibos: minutæ aues, fruges aridas subigunt & mutant, quas nullus homo nisi præcipuo periculo suo velit attingere: Miluus carnem deuorat crudam atque conficit, etiam absque potu: canes ossa exterunt & coquant, vt neceffe sit inesse vim quandam in stomacho præter calorem, quæ alimentum omne dissoluat & eliquet, misceatque simul atque confundat, vt à calore coquente facilius conficiatur.

CVM alimenta in ventriculo plenam perfectamque concoctionem assequi nequeant, nisi prius attenuata & in fluidum cremorem conuersa: id verò nullâ vi caloris, nullâ potius affusione perfici possit; inuectus est in stomachum acidus liquor, cujus tenuitate efculentum omne minutim solum funderetur, atque liqueceret. Succus autem ille, quem fermentum vocant, siue congenitus stomacho fuerit atque connatus, siue à pancreate lieneve transfusus, siue ex fermentatis ciborum reliquiis, saluâ & influente spiritu temperatus, egregiâ tenuandi pollet facultate, quâ cum penetrare in omnes alimenti partes, tum spiritibus acrioribus quibus præditus est, eas eliquare, miscere, atque fermentare queat. Inde quippe huius fermenti necessitas est intellecta, quod crassa quæ sunt, neque alienus, neque naturalis calor, nisi rarefacta prius tenuataque, vt in quæ facilius se le inferat, coquendo conficere valet. Et volatilia quadam, arenulas, vitrum, metalla, quæ omnem natui caloris conatum eludunt, non aliâ virtute vincant atque consumant. Porro fermenti illius haud obscuram fidem subtilis in ore liquor, qui è tonsillis exudans, acore grato, palato blanditur, vimque tum primum alimentis inferre solet. Profectò admodum ideo ventriculo lien est, qui acidi humoris sedes, succum hunc in ejus capacitatem instillat; is cum sit ejusdem saporis cum iis quæ loco fermenti adhiberi solent, non acuenda solum appetentiæ gratiâ est institutus, sed vtalimentorum attenuationi, fermentationique inferuit. Nemo necit acidi inter cibos fugientem appetentiam reuocari, quasi solutione eorum promotâ. Quare acidus ille humor vnde cumque in ventriculum illapsus, congeneri saluæ jungitur: tum subtilitate suâ alimenti partes omnes permeat, atque peruadit, soluitque in liquorem: demum spiritibus propriis fermenti modo liquoris spiritus exsuscitat, qui per agitationis feruorem ebullientes, massam omnem attenuant & rarefaciunt: subeunte deinde penitus caliditate, concoctio facilius atque perfectius eorum opinione absoluitur.

LICET palam sit acore fermentari, falsò tamen chyli perficiendi ratio acido liquori atque fermentationi committitur. Etenim qui creditur ab exitu chyli superesse liquor in stomacho, curiosos oculos Anatomicorum hætenus effugit. Cerrè omnes vasorum aditus illi sunt interclusi: à liene maximè quem Metropoli perhibent acidi liquoris, valuulâ prohibente, nullus erumpit. Nam ex fermentatorum ciborum reliquiis, saluæ parte, ac influente per arterias spiritu, miscellam componere ad fermentandum idoneam, fictitium est, & mera vigilantium somnia. Salua superest, quæ si nonnunquam acidula, sæpe falsa, vel amara, semper dulcis, ea solum molliendis diluendisquæ cum potu cibus est destinata. Nullus igitur fermentationis opifex liquor: qui si nullus est, non minùs prohibendæ, quàm prouocandæ est accommodatus. Enecando extinguendoque igni, nihil valentius aceto. Eodem similibusque fucis acidis, æstuantis versusque bilis imperum compescere, Medicis familiare est. Illud ipsum veram atque genuinam fermentationem contemnit, neque soluendis omnibus mixtis est idoneum. Inde liquet quàm multum, quàm varium dissoluens illud esse debeat, vt copię ciborum respondeat, & varietur: quàm acre, vt metalla, lapides soluere, ventriculo tamen innoxium. Vt vt feculentus humor lienis incolat, in stomachum illabarur, ni putredine vel vltione in atram bilem abierit, excellentis acoris experts, ad expositos vsum inutilis erit, quem si fuerit consecutus, vt alimenta soluere, atque fermentare potest, ita in quinare, atque corrumpere. Acida denique quatenus cibos in ventriculi fundum compellunt, eorum appetentiam renouant, coctionem non promouent. Non alius cibos magis commendat sapor, quàm salis; at ille fermentationem exinguit.

FERMENTO sublato, fermentationem quoque tolli neceffe est, quæ tamen si adesser, quia cum tumore semper conjuncta, ipsa velut forex se se indicio suo proderet. Per illam enim subtilioribus partibus ciborum, dum coquuntur, in vaporem & spiritum abeuntibus, magna stomachi fieri deberet dilatatio, quæ tamen non aduertitur. Cum enim fermentatio sit terrestris substantiæ motus, & in ærem facta conuersio, agitatione illâ fermenti vi factâ, terreum corpus in tumorem plerumque magnum attollitur: quemadmodum in panibus mixto farinæ subactæ fermento, ac mediocriter aquâ macerato, fermentatio fieri cernitur, conceptoque aëre, fusa simul & intumescere quæ fermentatur substantiâ, distenditur, inflatur, & quodammodo ebullit; ita cibus per agitationis feruorem excitatus, motisque & rarefactis spiritibus in se conclusis, in maiorem molem attolleretur, atque ventriculum distenderet. Vitiosa enim est & fermentationem mentitur, quæ plerisque contingere solet à pastu, ventriculi distentio, oriturque tum natura cibi, qui admodum ventriculi calore propria indole fermentari potest, vel ejusdem ventriculi debilitate, vt in conualescentibus & aliis, quando cibi potusque exuperantiam imbecillus calor moderari nequit, aut prauam illorum qualitatem emendare, sed pars maxima facit in flatum. Deinde quiuis in se se experiri potest, si ab ingesto cibo copiosiore extendi cœperit ventriculus, si valet, vix dum incepta concoctione, protinus aduertet eum detumescere.

NATURALIS animalium calor, blandus licet, quois soluente felicius concoctionem absoluit & innocentius, ventriculus enim attritus prius in ore cibos amplexu molli fouet, ingenitoque calore ac spiritu, quo plurimo abundat, omnes mutat atque conficit, aduocata in subsidium adjacentium partium caliditate. Spiritus opere in tanto potiore partem sibi vendicant, qui tenuissimi, alimentorum massam penitus subeunt, partes omnes diuidunt ac secant, crassas attenuant, concretas liquefaciunt, vt ad solutionem earum fermenti naturalis munus in auxilium querere, superuacuum sit: eadem opera quia calidissimi, concoctioni vacant, nulla administral fermentatione. Fusso illa alimentorum, vñ nihil ebullitionis habet, ita sola spirituum virtute constat, quando nullus liquor vniformis permaneat in corpore, illorum præsentia destitutus. Huius apertum indicium est, perpetuus fluxus sanguinis, in quo magna vis spirituum elucet, qui conceptum intra vascula sua coire non sinunt, nec non lactis æquabilis substantia, quæ spiritibus abeuntibus, in varias partes dilabitur, velut ab acidorum resolutione contingit. Sed neque vis exuperantis caliditatis ad concoctionem est accommodata. Tacito quodam & sensibus propè ignoto celi tempore, plantæ in singulos dies multa ramorum accessione luxuriant. Peracerbi gustatu fructus, etiam ab arbore decerpti, occulto reconditoque calore maturati dulcescunt. Quàm multa, quàm varia subigit ac mutat mollis puerorum calor? vt prorsus inutilis sit in stomacho alia virtus, quæ attenuare, fermentare, silices, vitrum, ipsumque aurum igni inuicta superare creditur, cum reuerà per secessum deuorantibus nihil immutata sint abitura.

Non ergo χλωσις prævia fermentatione perficitur.

DOMINI DOCTORES DISPUTAVRI.

M. Germanus Hureau.
M. Ioannes de Bouges.
M. Robertus Patin.

M. Michael de la Vigne.
M. Petrus Pereau.
M. Ioannes Armandus de Mauuillain.

M. Nicolaus Richard, Scholarum Censor.
M. Petrus le Mercier.
M. Claudius Guerin.

Proponebat Lutetiæ CAROLVS LE LONG, Pruuinæus, A. R. S. H. M. DC. LXV.